

Título: Atualizason di orsamentu pa anu fiskal 2023

Data: 14 di dizenbru di 2022

Uzado [feramenta di planiamentu di ekuidadi rasial](#) ? Sin Não

Si sin, entra data(s) di runions di REPT i link pa prienxi REPT li: _____

Será ki un menbru di divison di ekuidadi, stratéjia i dizigualdadi na oportunitadi reviza es deklarason? Sin Não

Sekson di feramenta di planiamentu di ekuidadi rasial di BPS	Resumo/justifikativa
<p>1. Pruposta/Apresentason & Inpaktu <i>Kal ki é rizultadus dizejadus di pruposta/sforsu, inkluidu iliminason di disparidadis? Kenha ki lidera es trabadju/planiamentu i será ki es ta refliti identidadi di grupu di alunus i famílias di BPS (grupus prinsipal ta inklui individuos ki é negrus, latinos, asiátikus, indíjenus, imigrantis, multilíngues i ki ten speriênsia na edukason spesial)?</i></p>	<p>Apresentason ta furnesi un atualizason na status di orsamentu di anu fiskal (AF) 2022 na fin di kel anu orsamentário, status di orsamentu atual di AF 2023 i problemas i planiamentu inisial pa AF2024.</p> <p>Orsamentu pa Skolas Publikas di Boston é guiadu pa krensa di ki kada alunu, na kada sala di aula, na kada skola meresi oportunitadi di prenda, disenvolvi i prospera. Enkuantu ki nu ta sforsa pa garanti igualdadi di oportunitadis i aplika un lente kontra rasismu na disizons, nos objetivo é demonstra es valores atraves di nos orsamentos, óras ki nu ta diriji rekursus adisionais direcionados pa alunus ki é menbrus di populasons stórikamente marjinalizados.</p>
<p>2. Alinhamentu ku Planu Stratéjiku <i>Di ki forma ki pruposta/sforsu ta alinha ku planu stratéjiku di distrito?</i></p>	<p>Orsamentu di distrito é un deklarason di nos valores i el sta alinhadu ku un iten di planu stratéjiku. Especialmenti, propostas sta fokalizadu na:</p> <ul style="list-style-type: none"> • 1.8 Disenvolvi kapasidadi di aborda kontribuintes susiais i di saúdi pa lakunas di oportunitadis, sima fome, duensas krônikas, saúdi mental, saúdi sexual, falta di moradia i identidadi LGBTQ +. • 2.1 Redisenha skolas sikundárias, inkluidu skolas alternativas, en alinhamentu ku MassCore, preparason prufisional i otus oportunitadis di kursus avansadus pa prepara alunus pa ensinu superior, karera i vida. • 2.3 Furnesi un kuríkulo i instruson rigurozo ki ta afirma kultura i lingua, inkluidu oportunitades di aprendizagen na artes, siênsia, alfabetizason, línguas, edukason fízika, edukason di saúdi i sívika, asesu a programas disportivus i teknulujia, i integra kompletamente ben-estar di studantes na speriênsia edukasional. • 2.5 Implimenta spektativas rigurosas i konsistentis di aprendizagen elementar i kuríkulo ki ta prepara tudu alunus pa liseu, inkluidu un sólido programa sientífiku i matemátiku. • 3.4 Aumenta sistemas di da komentário pa famílias i Skritório Sentral i otus funsionários através di portal di komunikason basiadu na teknulujia, asesu regular a líderes di distrito i di skolas duranti runions rejionais, eskolares i distritais. • 4.1 Finansia tudu skolas di un forma ki ta atendi nesisidadis eksklusivas di alunus ki es ta atendi, tendu en konsiderason Aprendizizes di inglêš, alunus ku difisiensias, alunus en disvantajen ekonómika, alunus na risku di abandona skola, kes ki sta reprova i otus grupus stórikamenti marjinalizados. • 5.6 Aumenta transparensia i responsabilidadi óras ki nu furnesi novus feramentas di dados, painéis i relatórios publiku. • 6.4 Promove konsientizason pa ensino superior i speriensia prufisional óras ki nu kria vias di edukason dipos di liseu, trenamentu, ofisius i oportunitadis pa kareras.

<p>3. Análisis di dados <i>Ki dados foi analisadu? El staba disagregadu pa rasa ô pa kalker otu grupu prinsipal? Kuze ki el mostra sobri disparidadi?</i></p>	<p>Análisi di ekuidadi di distrito ta panha valor en dólar pa skola pa kada investimento, kalkula un orsamentu pa alunu i aplika-l pa alunos ki sta atualmenti matrikuladu na kel skola. Uza demografia rasial i otus demografias-xavi di kada alunu matrikuladu, nu ta kalkula média di distrito pa alunu pa demografia inklusivi pa alunos ku difisiências, alunos ki ta fala txeu linguas, alunos di famílias di baxu rendimentu, i alunos asiátikus, negrus, latinos i brankus.</p> <p>Pa sigundu anu, nu faze grandis investmentus na AF2023 pa manti programas pa alunos na tudu skolas, spesialmenti kes ki teni un diklíniu na matrículas. Es investimentos direciona más di \$200 dolar a más pa alunos negrus i latinos di ki alunos asiátikus i brankus; kuasi \$300 dolar a más pa alunos di baxu rendimentu di ki pa alunos di altu rendimentu; i más pa alunos ku difisiências i Aprendizizes di inglês di ki investimento médio pa tudu alunos. Nu ta kontinua ta aplika es analisi enkuantu nu sta faze planus pa AF2024.</p>
<p>4. Envolvimentu di partis interesadus <i>kenha ki staba envolidu (kantidadi, grupus prinsipals, i ses funson), i modi i kuze ki rendi? Ki opinion studentis/família ki foi más inpaktadu pa es pruposta/sforsu fla?</i></p>	<p>Pa disenvolvi orsamentu pa anu fiskal 2023, Divison di Finansas buska sugestons di prinsipais konstituintes na un total di 17 runions publikas, inkluido runions organizadu pa Konsedju Konsultivu di Envolvimentu di Komunidadi, Gabinete di Líderes di skola, Konsedjus di Skolas, Mesa Rodondu di Ekuidadi Komunitária, Komitê di skola di Boston, Konsedju di Sidadi i três audiências di orsamentus.</p> <p>Menbrus di komunidadi i di Konsedju di skolas enfatiza inpurtansia di sesons di envolvimentu lideradu pa skola i pa poi materials di orsamentu asesivel i prontamenti dispunivel. Líderes di skolas i menbrus di komunidadi pidinu pa nu integra prusesu di orsamentu di Alíviu di Imerjênsia di Ensinu Fundamental i Sikundáriu (ESSER) ku prusesu di orsamentu operacional u kuantu pusivel. Menbrus di Komunidadi pidi un analisi di ekuidadi basiadu na demografia di alunos i pa nu komunika di forma klaru inpaktu spesifiku di dados. Pur ultimu, es pidi un revision ditalhadu di inpaktu di ekuidadi di stratéjia di finansiamentu ponderado pa studentes (WSF). Tudu kes sugestons foi inkluidu na prusesu di orsamentu i proposta pa anu fiskal 2023 i nu sta spera un konpromisu similar relasionadu ku orsamentu pa anu fiskal 2024.</p>
<p>5. Stratéjias di ekuidadi rasial <i>Modi ki es prupostas/sforsu mitiga disparidadis i aumenta ekuidadi rasial i otus? Kal ki é kes pusiveis konsekuências não intensionais? Ki stratéjias konplementaris ta prumovi ekuidadi inda más?</i></p>	<p>Metudulujia di alokason di WSF di BPS é nos prinsipal stratéjia pa garanti un distribuison ekuitativa di rekursus. WSF ta distribui fundus ku base na numero di alunos na kada skola, el ta furnesi fundus suplementares pa kada alunu ku un Planu di Edukason Individualizadu i kada alunu ki é na es mumento un Aprendiz di inglês.</p> <p>Alen di kel li, komu parti di nos orsamentu pa AF 2023, distrito konpromete ku un stratéjia di mitigason di manti skolas isentu pamodi diklíniu di matrículas. Dikliniu na matrikula teve un inpaktu disrupursional na skolas ki ta sirbi un porsentaji altu di alunos minoritários.</p>
<p>6 Orsamentu & Implementason <i>Kal ki é inpaktu di orsamentu? Modi ki implementason ta garanti ki tudu objetivos, spesialmenti kes relasionadu ku ekuidadi, ta ser atendidus? Kal ki é identidadi di grupu di ekipa di implementason, i será ki es ta traze un</i></p>	<p>Visto ki es apresentason é un atualizason di orsamentu sen ninhun pontu-xavi di disizon inpurtanti, nu ka sta antisipa ninhun inpaktu signifikativu.</p>

<i>lente di ekuidadi?</i>	
7. Responsabilidadi & Komunikason <i>Modi ki inpaktos ta ser avaliadu, dokumentadu i komunikadu pa partis interesadus? Kenha ki ta ser responsável?</i>	Skritório di Finansas ta kontinua ta atualiza komitê di skolas sobri orsamentu tudu mês.